

游春赋

北国四月，其冬欲殂。朔风不怒，万物待苏。惊觉殷殷其雷，而至细雨；怎料细雨润泽，须臾盎然。赏春之心日切，怎奈无从寻安。惶惶而绰兰桨，欲踏春以游船。

于是驾舟泛江，且歌以兴。展竹席以顺气，品清茗以怡情。锦鲤喜而鱼跃，鸥鹭乐而凌空。载欣载奔，如盘如旋，怡彼之乐，试以自身。时激水而湿襟，或面日而灼目，日光下彻，映渚清沙白之态；清风拂面，绘千回百转之痕。

俄而停舟，傍于桃林。桃也正兴，灼灼其华，辅远山以粉饰，仿天际之朝霞。星星点点，如繁星之错布；束束丛丛，似仙境之大观。适彼细察，中心悠然。瓣薄如绢，翩翩欲飞，艳比红日，素拟秋水；时明眸而浅笑，时掩面以饰羞。蕊如蛾须，积一时之芬芳；面若玉盘，凝今朝之残露。飘飘兮而欲仙，摇摇兮而方言，楚楚兮而将坠，引观者亦思危。百亩桃林齐迎客，十里芬芳贺春回。花海作琴，风为调弦；奏清丽之晓梦，共炊烟以致远。

作别桃林，踏水归舟，余心之乐，不可断绝。归途杨柳堆烟，帘幕无数；显新绿以傲视，但颌首而传情。迎春吐艳，明若黄金之缕；草色方青，鲜若浮水之萍。莺啁啾以自乐，燕翻飞而筑窠。八音相谐，溶春色于江河；四方齐备，凝春趣于清波。此乃坦途之乐，何人可以言说！

游意已阑珊，小舟傍岸。虽游止而心复移，况春意且不能已。复望麦田陇上，稚童相与，争相追逐，乐染菜花之地；纸鸢轻飏，趣映田间之秧。又见烟波湖上，清波荡漾，雾氤氲以迷目，漪起伏以动心。彤管之谊，共奏纯美之乐；画眉相和，齐抒缱绻之章。其情也纯，镜鉴湖上映笑影；其意也切，琴瑟之间放欢声。嗟乎春也，其美也哉！然余终不可及也。拥晓风兮眄残月，试问何以解春愁？

蓦然回首，恍然如梦，余独一客，徒哀而已。舟为江上客，余为舟中客，感春之怀，赞春之情，其出一也。春水浩阔，载不动离愁万种；庭院深深，留不下半点春色。人之惜春不足谓，士之乐春方为美。莫念春逝，空添忧思，但乐其中，自悦自足可矣。故棹舟者歌曰：“河冰之开兮，释吾舟；和风之煦煦兮，吾帆招摇；流水之竞逐兮，以濯我面；盛春之已至兮，又复何忧！”